

UGOVOR

o javnoj nabavci putem direktnog sporazuma
"Nabavka usluge dezinfekcije, dezinsekcije, deviperacije i deratizacije objekata"

I UGOVORNE STRANE

1. **KANTONALNA UPRAVA CIVILNE ZAŠTITE KANTONA SARAJEVO**, ul. Fehima ef. Čurčića br. 1., 71000 Sarajevo, koju zastupa direktor, Jasmin Terović, (u daljnjem tekstu: **Naručioc**), ID broj: 4200665390008 i
2. **EKO-TIM d.o.o.**, ul. Olovska br. 38, 71 000 Sarajevo, kojeg zastupa ovlaštena osoba, Anel Ramić, (u daljnjem tekstu: **Isporučilac**), ID broj: 4201793500009.

U daljnjem tekstu Ugovora, kada se Naručilac i Isporučilac navode zajednički, tj. zbirno, tada su označeni kao "**Ugovorne strane**".

II OSNOV ZA ZAKLJUČENJE UGOVORA

Osnov za zaključenje ovog Ugovora je Ponuda Isporučioca broj: 2811-1107/20 koja je dostavljena 16.07.2020. godine i Odluka o izboru najpovoljnijeg ponuđača za nabavku roba, Naručioća, broj: 06-11-1328-3/20 od 20.07.2020. godine.

III PREDMET UGOVORA

Član 1.

Predmet ovog Ugovora je nabavka usluge dezinfekcije, dezinsekcije, deviperacije i deratizacije objekata prema tehničkoj specifikaciji, koja je navedena u Zahtjevu za dostavu ponude Naručioća, broj: 06-11-1328-1.4/20 od 14.07.2020. godine, kao i Ponudi Isporučioca, br. 2811-1107/20 koja je dostavljena 16.07.2020. godine, koje čine sastavni dio ovog Ugovora.

Član 2.

Usluge koje su predmet nabavke Isporučilac je dužan isporučiti prema svojoj Ponudi i specifikaciji Naručioća.

IV CIJENA I NAČIN PLAĆANJE

Član 3.

Ukupna vrijednost ugovorene nabavke definisane u članu 1. ovog Ugovora iznosi: 2.592,72 KM (slovima: dvijehiljadepetstotinašestdesetdvije i 72/100 KM).

U ukupnu cijenu iz stava 1. ovog člana, uračunat je PDV.

Cijena je fiksna i ne podliježe nikakvim promjenama za vrijeme trajanja Ugovora.

Naručilac se obavezuje da će ukupni iznos iz stava 1. ovog člana isplatiti na račun Prodavca broj: 3386-9022-6601-8085 otvoren kod UniCredit bank.

Član 4.

Ugovorne strane su saglasne da će Naručilac iznos iz člana 3. stav 1. ovog Ugovora isplatiti Isporučiocu sukcesivno, nakon svake isporučene usluge i primljene fakture, najkasnije u roku od 10 dana.

V ROK I MJESTO ISPORUKU

Član 5.

Isporučilac se obavezuje da će usluge iz člana 1. ovog Ugovora, početi isporučivati najkasnije u roku do 5 dana nakon obostranog potpisivanja ovog Ugovora. na sljedeće adrese:

1 Ispostava Centar	Fehima ef. Čurčića br. 1
2 Ispostava Bašćaršija	Prote Bakovića br. 9
3 Ispostava Vogošća	Izeta Delića br. 22
4 Ispostava Ilijaš	Ivana Franje Jukića br. 2
5 Ispostava Stup	Briješćanska br. 12
6 Ispostava Al.polje	Trg ZAVNOBiH-a br. 15
7 Ispostava Hadžići	Igmanska br. 122

VI KVALITET USLUGE

Član 6.

Isporučilac se obavezuje da isporučena usluga iz člana 1. ovog Ugovora, bude traženog kvaliteta i karakteristika, odnosno kvaliteta i karakteristika koji je dao u svojoj Ponudi, br. 2811-1107/20 koja je dostavljena 16.07.2020. godine, a koju je Naručilac odabrao kao prihvatljivu i kvalifikovanu.

VII OBAVEZE ISPORUČIOCA I NARUČIOCA

Član 7.

Isporučilac se obavezuje:

- da će ugovorenu obavezu izvršiti prema Pravilniku o načinu obavljanja obavezne dezinfekcije, dezinfekcije i deratizacije ("Službene novine Federacije Bosne i Hercegovine" broj: 30/16);
- da će ugovorenu uslugu izvršavati blagovremeno u ugovorenom roku, u skladu sa zahtjevom za dostavu ponude, a prema dostavljenoj Ponudi;

- da će u najkraćem roku otkloniti eventualne nedostatke na koji mu se ukaže prilikom pružanja usluge iz člana 1. ovog Ugovora od strane ovlaštenog lica Naručioca;

Član 8.

Naručilac se obavezuje:

- da će izvršiti uplatu ukupne cijene vrijednosti ugovorene roba iz člana 3. ovog Ugovora, na način i u roku utvrđenom u članu 4. ovog Ugovora;
- da će pismeno obavijestiti o svakom eventualnom propustu Isporučioca u odnosu na pitanja utvrđena ovim Ugovorom.

VIII PRIJELAZNE I ZAVRŠNE ODREDBE

Član 9.

Na sva pitanja koja nisu regulisana ovim Ugovorom, a pojave se prilikom njegove realizacije primjenjivat će se odgovarajuće odredbe Zakona o obligacionim odnosima.

Član 10.

Ugovorne strane su saglasne da će sve nesuglasice i sporove, koji eventualno mogu da proisteknu iz ovog Ugovora, prvenstveno nastojati riješiti sporazumno, a ukoliko, iz bilo kojeg razloga, to ne budu moguće, nadležan je Općinski sud u Sarajevu.

Član 11.

Ovaj Ugovor stupa na snagu danom njegovog potpisivanja od strane ovlaštenih predstavnika Naručioca i Isporučioca, i isti će se primjenjivati do izvršenja svih pojedinačnih obaveza predviđenih ovim Ugovorom.

Član 12.

Ugovor je sačinjen u 4 (četiri) istovjetna primjerka, od kojih svaka od ugovornih strana zadržava po 2 (dva) potpisana i ovjerena primjerka.

ZA PRODAVCA
EKO-TIM d.o.o.
ovlaštena osoba


ZA KUPCA
DIREKTOR

P.

Anel Ramić

M.

Broj: 2107-20
Sarajevo, 21.07.2020



Broj: 06-11-1328-5/20
Sarajevo, 21.07.2020. godine

